

Второй.

610 Олооернѣ, Олооернѣ, востани наша слава,
 Возвѣсти нам, хто ты затыл і гдѣ есть твоя глава.
 Олооернѣ, Олооернѣ, взирай на полки твоя,
 Ополчи бо ся на ты нынѣ вси враги твоя.
 Олооернѣ, Олооернѣ, кто будет воевати,¹
 615 Кто будет противу враговъ твоихъ крѣпко стояти?

Евнухъ.

Рыдай, Ассирия, ібо вождь твой преставися,
 Которой повсюду славно в силахъ прославися.
 Плачитесь вси полчанѣ, яко васъ остави,
 Егоже [л. 57 об.] Новхудоносоръ над вами постави,
 620 Источай слезы днесъ войско, что главу отдаша,
 Мню разгнѣванныя боги врагомъ ихъ предаша.

Второй.

Прелстила окаянная оная прелестница,
 Смирила себѣ лестию, яко суща пленница.
 Охъ, бѣдъ ядъ скрытый всегда в сердце своемъ носила,
 625 Тѣмъ лукавствомъ главу нашу безглавна оставила.
 О женская прѣлестъ злая, о тое і лукавство,
 Содѣяло намъ плачь велій, стыдъ же і окаянство.

Евнухъ.

Помниши ли, Олооернѣ, мое слово к тебѣ,
 Что сия жена сосудъ смертный носила в себѣ.²
 630 Къ чему не послушал ты моего совѣта,
 За что возлюбилъ тму і такъ скоро лишенъ свѣта?
 Азъ тебѣ о прѣлести ея совѣтовалъ,
 Азъ о лукавствѣ ея много извѣтовалъ.

Второй.

О бѣда, люте мнѣ, днесъ дайте мнѣ острый мечъ,
 635 [л. 58] Или самъ азъ убьюся, или того буду сѣчь,
 Кто насъ с тобою нынѣ, Олооернѣ, разлучилъ,

¹ В рукописи: воевовати.

² В рукописи перестановка словъ с нарушением рифмы: . . . сосудъ смертный в себѣ носила.